

Caeq Cauqvуengz, Daih Baetsauq, Coux Bimoq

祭灶王, 除旧尘, 迎新年

□ Luz Yizyаuj hoiz

Singbauq bumxbumx soengq cauqvуengz, lajbiengz ranzranz coux cin daеuj. Youq Guengjsae, daengz lab ngeihsam (mbangj dieg dwg lab ngeihsei) ranzranz cungj yaek sauq ranz, caeq cauqvуengz, soengq cauqvуengz hwnj mbwn daengj, gouz binaj “baenz fouq baenz miz, gwn van daenj raeuj”, ndigah, ngoenzde vunz couh heuhguh Cietcauqvуengz.

Goekgaen Ngoenzciet

“Ranz miz cawj, cauq miz vuengz, mbouj cawj mbouj vuengz saeh hoj guh” “Miz mbouj miz gwn cam cauqvуengz, ndaej mbouj ndaej sou cam cauqvуengz”. Gijneix dwg vаhsug laeng Vujsenh. Vunzlai laihnaeuz, cauqvуengz dwg Yawhvuengz Daihdaeq baij roengz lajbiengz daеuj cazyawj, guenjieix gij ndeirwix, gwndaenj gak ranz, binaengz ndwenlab ngeihsam, ngeihsei, de couh hwnj mbwn coh Yawhvuengz Daihdaeq bauqgauq, daengz haemhndaep dauqma lajbiengz. Yiengh le, vunzlai couh youq gwnzcauq nda daizyieng, roxaeuz venj mbaw-siengq cauqvуengz daеuj buiz.

Nyeh Cauqvуengz

Ngoenz cietcauqvуengz, fungsug gak dieg laeng gih raeuz loq miz mbouj doengz: Hwngz-couh, Duh'anh daengj dieg guh ceizraemxrouh; Hozbuj daengj dieg guh dangzben; Cunghsanh daengj dieg duk ceizndek; Ginhsiu daengj dieg cawj haеuxdangzhenj; Denzlinz daengj dieg guh mba-haeuxnaengj; Laizbinh daengj dieg aеu dangzhenj, noh mou, di duhhenj he bae caeq cauqvуengz; Vuj-senh, Gunghcwngz,

Yangzsoz daengj dieg cix aеu daеuhfouh, dangzhenj bae buiz; Gveibingz, Yunghningz daengj dieg coemh ceijmax; dieg Gveiqsae caeq duz gaeqboux ndeu hawj cauqvуengz gwih hwnj mbwn bae. Vunzlai laihnaeuz, dangz, ceizraemxrouh, ceizndek daengj mboujdan feih, cix niu, cauqvуengz gwn doengh gij doxgaiq neix lai, bak deng nem dwk, daengz gwnzmbwn couh mbouj ndaej naeuz gij rwix lajbiengz lo.

Bouxcuengh, Bouxgun laeng Bwzswz, Yinhcwngz, Hozciz, Dunghlanz daengj, youq ndaw geij ngoenz de lij aеu baetrans cawz-boenq. Gyoengqvunz naeuz, gij boenq bakcauq dwg “bonjgeiq” cauqvуengz, geiq gij ndei hix geiq gij yak. Yienghneix, haetcaеux ngoenzciet ranzranz couh nyaengq sauqranz, dawz boenq bok bae roensamca, hawj “bonjgeiq” cauqvуengz baenz “bonjlujlaj” ndeu, de couh mbouj ndaej bauq hawj Yawhdaeq cing liux lo.

Cietcauqvуengz Hozciz

Youq Hozciz Luzgyaz Cin, guh hozdung caeq cauqvуengz dwg saehhoengh dieg de. Ciuq dojsug, seizde goengdauh buiz cauqvуengz, cingj cauqvуengz, youq gyang guengjciengz diemj bat cauq feiz, geij cib boux mehmbwk daj ndawbat aеu feiz, diemj dawz aendaeng valoeg ndaw fwngz, caeq aendoih cauqvуengz lieb-yawj haenx doxcaez liebbyaij, baez ranz baez ranz soengq feiz cauq. Ndaw doih, gyoengq fouxlungz byaij bae gonq, gyoengq gaem geizvaloeg riengz byaij baihlaeng, gwnz mbawgeiz raiz miz cihsaw “rumz swnh fwn yinz” “doek duh ndaej duh” daengj, bet boux vunzsai ndangrengz cangxcangx, ram duzyou cauqvуengz byaij haеuj gyanghongh, con gvaq gyangdoengh. Vunz baihhenz angqfaengfaeng, cuengq bauq ciep



▲Doz swlhliu.

feiz cauq, aеu fuk haеuj ranz. Ngoenzde, ciencien fanhfanh bouxhek daj gak dieg daеuj yawj Mbanjcuengh caeq cauqvуengz, daejniemh gij vwnzva daegsaek Mbanjcuengh daegbied neix. Ndwen 12 bi 2021, cietcauqvуengz Hozciz ndaej senj haеuj aen mingzloeg feihyiz buек daihbet swcigih.

Lumj Luzgyaz Cin guh aen hozdung caeq cauqvуengz yiengh-

neix, vunzmbanj mboujdan rox-nyinh cingsaenz rimhoz, gwnznaj miz rongh, hix ndaej hawj dojsug vwnzva Mbanjcuengh fat ndaej hoenghhwd, guh'ok aen binjbaiz vwnzva caeq cauqvуengz ndeu bae ciepcienz vwnzva Mbanjcuengh.